

經

大日本
校訂

大藏經

方等部

華



{ 次 目 十 黃 }

- 佛說莊嚴菩提心經
- 佛說大方廣菩薩十地經
- 佛說菩薩投身餓虎起塔因緣經
- 無所有菩薩經
- 諸佛要集經
- 不思議光菩薩所說經
- 央掘魔羅經

四 一 二 四 一 一 一
卷 卷 卷 卷 卷 卷 卷

經題三本俱無

佛說二字及一

卷二字釋

藏下同有法師

二字什下元師

第四二字〇坐

三本俱作座下

同〇唯同作惟

佛說莊嚴菩提心經一卷

〔麗伏〕宋戎〔元戎〕明壹

姚秦三藏鳩摩羅什譯

如是我聞。一時佛住王舍城耆闍崛山中。與大比丘衆千二百人俱。菩薩萬人。其名曰智光菩薩。法光菩薩。日光菩薩。無邊光菩薩。跋陀婆羅等十六正士。如文殊師利本所修行。復有六十菩薩。如彌勒菩薩。本所修行。此賢劫中菩薩摩訶薩等。爾時世尊。與無央數大衆圍繞。而爲說法。爾時會中有菩薩名思無量義。即從坐起。整衣服。偏袒右肩。右膝著地。以種種寶華而散佛上。散佛上已。合掌白佛言。世尊。欲有所問。唯願世尊。哀愍聽許。佛告思無量義菩薩。恣汝所問。思無量義菩薩白佛言。世尊。云何菩薩修菩提心。何者是菩提心。佛告思無量義菩薩。菩薩修菩提心者。非於衆生。菩提心者。不可得。此心非色。非見。法亦無有得者。何以故。衆生空故。思無量義菩薩白佛言。世尊。法相如是。甚深。菩薩當云何修行。佛告思無量義菩薩。善男子。菩提心者。非有非造。離於文字。菩提即是心。心即是衆生。若能如是解。是名菩薩修菩提心。菩提非過去未來現在。如是心衆生亦非過去未來現在。能如是解。名爲菩薩。然於是中實無所得。以無所得故得。若於一切法無所得。是名得菩提。爲始行衆生故。說有菩提。如阿羅漢取證。於法無所得。以世俗言辭故。說有菩提。然菩提實不可得。若於一切法無所得。是名得菩提。然於是中亦無有心。亦無造心者。亦無有菩提。亦無造菩提者。亦無有衆生。亦無造衆生者。亦無有聲聞。亦無發聲聞者。亦無辟支佛。亦無發辟支佛者。亦無有菩薩。亦無發菩薩者。亦無有佛。亦無成佛者。亦無有爲。亦無造有爲者。亦無無爲。亦無造無爲者。是中已得。今得。當得。皆不可得。佛告善男子。諦聽諦聽。善思念之。所應說者。吾今當說。菩薩發菩提心有十法。何等爲十。發第一心成就衆善。本譬若須彌山。以衆寶莊嚴。發第二心行檀波羅蜜。譬若大地。長養衆善法。發第三心行尸波羅蜜。喻若師子王。能降伏衆獸。滅除邪見。故發第四心行辱提波羅蜜。喻若那羅延堅固。不可壞滅。除煩惱故。發第五心行毗梨耶波羅蜜。現行衆善法。喻若天華。如意說法。故發第六心行禪波羅蜜。喻若日光。明滅除衆闇。故發第七心行般若波羅蜜。諸願得滿足。喻若商賈。客得離衆難。故發第八心行方便波羅蜜。滅除諸障。喻若月。盛滿清淨。無穢故。發第九心欲滿足。本願遊淨佛國土。樂聽深妙法。滅除貧窮。故發第十心。喻若虛空。其智無窮盡。譬如轉輪王。成就一切種智。故善男子。如是

盛同作成

無下同有有字

現明作見

憂三本俱作優
○膽同作盧
○迦同作加

祈同作期

能發十種心名為菩薩。亦名摩訶薩。亦名無為衆生。亦名無障礙衆生。亦名已得度衆生。亦名不思議衆生。然於此中亦無有心亦無菩提。復次善男子。復有十三味護持菩提心。何等為十。發第一心法寶三昧所護持。發第二心堅固三昧所護持。發第三心不動三昧所護持。發第四心不退三昧所護持。發第五心實華三昧所護持。發第六心日光三昧所護持。發第七心一切義三昧所護持。發第八心智照三昧所護持。發第九心諸佛現在前三昧所護持。發第十心首楞嚴三昧所護持。復次善男子。菩薩初地相。能見三千佛剎土。滿中億千那由他伏藏。二地能見三千佛剎土。坦然平整以衆寶。瞿瞿莊嚴。三地能見諸力士為降伏怨敵。四地能見四方有諸風輪來。有種種妙華遍布其地。五地能見衆妓女以衆寶瓔珞其身。上有憂鉢羅華天冠。瞻闍華天冠。婆伽地華天冠。阿提目多伽華天冠。而為嚴容。六地見衆寶池。八功德水湛然盈滿。其池四邊有七寶階。道底布金沙。自見己身在此池中。戲戲娛樂。七地見其左右有諸地獄。而從中過。無諸艱難。八地自見兩肩上有師子王形。容端嚴。頭上有幢有大威力。降伏衆獸。九地見轉輪聖王。百千大臣剎利居士。而自圍繞。以正法化無量衆生。見虛空中有衆寶蓋垂覆其上。十地見佛色身。身真金色。放大光明。大衆圍繞。而為說法。善男子。如是十種相應善分別成就十地。以三昧力故。復次善男子。初地生勝進陀羅尼。二地生不壞陀羅尼。三地生安隱陀羅尼。四地生難沮壞陀羅尼。五地生功德華種種莊嚴陀羅尼。六地生智圓明陀羅尼。七地生增益陀羅尼。八地生無分別陀羅尼。而為上首。八萬四千陀羅尼。同共俱生。九地生無邊陀羅尼。而為上首。六十二億那由他陀羅尼。同共俱生。十地生無盡陀羅尼。而為上首。億千恒河沙陀羅尼。同共俱生。復次善男子。初地行檀波羅蜜。二地行尸波羅蜜。三地行羼提波羅蜜。四地行毗梨耶波羅蜜。五地行禪波羅蜜。六地行般若波羅蜜。七地行方便波羅蜜。八地行智波羅蜜。九地行成就衆生滿足波羅蜜。十地行諸願滿足波羅蜜。如是諸波羅蜜。於諸地中皆悉成就。復次善男子。菩薩摩訶薩行檀波羅蜜。有十種。何等為十。一曰信根。二曰定根。三曰大慈。四曰大悲。五曰我喜。六曰彼喜。七曰發一切願。八曰持一切衆生。九曰四攝。十曰親近諸佛法。是名十種法成就檀波羅蜜。復次善男子。行尸波羅蜜。有十法。何等為十。一曰離八難。二曰成就佛功德。三曰離聲聞地。四曰離辟支佛地。五曰身清。六曰口清。七曰意清。八曰莊嚴心。九曰斷地獄緣。十曰所得滿足行。此十法即成就尸波羅蜜。復次善男子。行羼提波羅蜜。有十法。何等

陰三本俱作蔭
次同

死同作無

魔下同有衆字

修同作脩下同

殖同作植

爲十一曰忍力。二曰踊躍。三曰成就衆生。四曰於甚深法能忍。五曰無彼我。六曰斷瞋恚。七曰不惜身。八曰不惜命。九曰捨癡。十曰觀法身平等。如是十種法成就。是波羅蜜。復次善男子。菩薩摩訶薩行。毗梨耶波羅蜜有十法。何等爲十一曰精進根。二曰精進力。三曰正勤。四曰正念。五曰以身助衆生。六曰以心口隨生。七曰行處不退轉。八曰除懶惰。九曰降伏惡知識。十曰集一切智。是名十法成就。毗梨耶波羅蜜。復次善男子。菩薩摩訶薩行。禪波羅蜜有十法。何等爲十一曰定根。二曰定力。三曰等定。四曰遊戲諸禪。五曰三昧。六曰三昧報。七曰不毀衆善法。八曰滅除煩惱怨。九曰於正法捨。十曰定陰。如是十法成就。禪波羅蜜。復次善男子。菩薩摩訶薩行。般若波羅蜜有十法。何等爲十一曰慧根。二曰慧力。三曰正見。四曰正念。五曰陰方便。六曰分別界。七曰聖諦。八曰無障智。九曰迴邪見。十曰無生法忍。行如是十法。得成就。般若波羅蜜。復次善男子。菩薩摩訶薩行。方便波羅蜜有十法。何等爲十一曰同衆生行。二曰持衆生。三曰大悲。四曰無厭。五曰離聲聞辟支佛行。六曰入波羅蜜。七曰如實分別器量。八曰扶助善心。九曰入不退轉地。十曰降伏衆魔。是名十法成就。方便波羅蜜。復次善男子。云何名爲波羅蜜義。行勝進滿足。是波羅蜜義。成就第一智。是波羅蜜義。不在有爲不處無爲。是波羅蜜義。生死大患善能覺知。是波羅蜜義。本所未覺。今悉了知。是波羅蜜義。無盡法藏。廣能示現。是波羅蜜義。善除障礙。是波羅蜜義。布施持戒忍辱精進禪定智慧方便等。不望報。是波羅蜜義。解一切衆生界。是波羅蜜義。滿足無生法忍。是波羅蜜義。成不退轉。是波羅蜜義。修淨佛國。是波羅蜜義。成就衆生。是波羅蜜義。處於道場。覺一切智。是波羅蜜義。降伏衆魔。是波羅蜜義。成就諸佛一切種智。是波羅蜜義。破諸異見。是波羅蜜義。十力四無所畏。十八不共法。成就滿足。是波羅蜜義。成就十二行法輪。是波羅蜜義。如是善男子。波羅蜜義甚深無量。我但爲汝畧說之耳。爾時會中有天子。名師子奮迅光。即從坐起。合掌白佛言。善哉世尊。如上所說。甚深希有諸佛功德。譬如甘露充足一切。佛告天子。善哉善哉。如汝所說。若有比丘比丘尼。優婆塞優婆夷。天龍夜叉。人闍婆。阿修羅。迦樓羅。緊那羅。摩睺羅伽。人非人等。及菩薩摩訶薩。聞是經典。必於阿耨多羅三藐三菩提。不復退轉。何以故。天子。若有善男子善女人。宿殖德本。乃能得聞是經。非是少功德人之所聽聞。若有暫聞此經。讀誦書寫。此人捨是身。已常見諸佛。見諸佛已。能於佛所轉妙法輪。即得無盡陀羅尼印。亦得解一切衆生心行陀羅尼。亦得日光普照陀羅尼。亦得淨

印下三本俱有印字

元無末題

經題元明俱無
佛說二字○譯
號三本俱無西
域二字夜下同
有共曇曜三字
譯上元有第五
二字○十元明
俱作千○唯三
本俱作惟

義下同無義字

無垢陀羅尼亦得一切諸法不動陀羅尼亦得金剛不壞陀羅尼亦得甚深義藏演說陀羅尼亦得善解一切衆生語言陀羅尼亦得虛空無垢遊戲無盡印陀羅尼亦得諸佛化身陀羅尼况復聞已如說修行善男子若有菩薩得如是法則能於十方世界諸佛剎土化作佛身而爲衆生演說妙法然於法和不動亦無去來雖成就衆生無有衆生而可得者常爲說法而無所說恒現受生而無生滅雖現來去無來去相爾時世尊說是法時三千菩薩得無生法忍無量衆生皆發阿耨多羅三藐三菩提心思無量義菩薩及諸天龍夜叉乾闥婆阿修羅人非人等聞佛所說歡喜奉行佛說莊嚴菩提心經

佛說大方廣菩薩十地經

元魏西域三藏吉迦夜譯

〔歷代三藏元戎明堂〕

如是我聞一時佛在王舍城耆闍崛山與大比丘衆千二百五十人俱菩薩萬人其名曰智幢菩薩法幢菩薩月幢菩薩日幢菩薩無量幢菩薩跋陀波羅等十六正士交殊師利等六十同聲彌勒菩薩等賢劫一切菩提薩埵爾時無盡智菩提薩埵從座起整衣服偏袒右肩右膝著地以種種寶華散於佛上白佛言世尊欲有所問唯願世尊開示解脫爾時世尊告無盡智菩薩善哉善哉善男子若有疑難恣決所問如來當爲隨問解說令汝歡喜爾時無盡智菩提薩埵白佛言世尊菩提心世尊謂菩提心云何當知菩提薩埵成就菩提心何等爲菩提心亦無菩提心薩埵亦不可得亦不離菩提名曰菩提心菩提者亦不可說不可見無有對薩埵亦不可得云何於此諸法當得開解世尊告曰善男子菩提者是皆言說俗數施設善男子菩提者非言說非俗數非施設善男子如菩提非言說薩埵及心至一切法亦復如是當作是知若如是心是名菩提心菩提亦不過去當來今現在所謂薩埵及心亦不過去當來今現在若如是知者菩提薩埵不可得彼處都無所得於一切法得無所得是名得菩提心如阿羅漢阿羅漢果亦不可得彼都無所得但是俗數言說有耳於一切法無所得是名得菩提心亦非初業菩提薩埵度義義名爲菩提薩埵亦非彼此非施設心非衆生非施設衆生非聲聞非施設聲聞非辟支佛非施設辟支佛非菩提薩埵非施設菩提薩埵非有爲非施設

力明作方

知宋元俱作如

主元明俱作王

見三本俱作現

同同作簡○憂
同作優○靖同
作靜下同

設有爲法。非無爲非施設無爲法。可得已得當得。但如說法隨順故。說一切善根等起。當知初發心。彼因檀波羅蜜。猶如大地所持。當知第二心起。彼因尸波羅蜜。猶如師子獸王勇猛。當知第三心起。彼因羼提波羅蜜。猶如那羅延勇猛。大力便。當知第四心起。摧伏一切諸結怨敵。彼因毗梨耶波羅蜜。種種善根功德華開。當知第五心起。譬如天帝釋大會拘毗陀羅樹。彼因禪那波羅蜜。猶如日輪無量光曜。當知第六心起。悉能除滅一切闇冥。彼因般若波羅蜜。本願功德普現莊嚴。當知第七心起。如商人主將諸商人能度曠野。彼因方便波羅蜜。淨除一切過惡。所欲如意。當知第八心起。滿足明淨。猶如秋月周滿所願。當知第九心起。一切所作皆悉休息。譬如貧人得無盡寶藏。猶如虛空離垢明淨。當知第十心起。究竟一切功德彼岸。智慧辯才無盡。一切法。猶轉輪王。如是善男子。其成就此十種心者。是名爲菩提薩埵。摩訶薩埵。第一薩埵。最上薩埵。離罪薩埵。最尊薩埵。然善男子。菩提薩埵及心於第一義都不可得。又善男子。菩提薩埵初心起。有法寶等起。三摩提攝取心而生。菩提薩埵第二心起。有不動三摩提攝取心而生。彼第三心起。名善住三摩提攝取心而生。彼第四心起。名不退轉三摩提攝取心而生。彼第五心起。名集華三摩提攝取心而生。彼第六心起。名日光三摩提攝取心而生。彼第七心起。名義滿足三摩提攝取心而生。彼第八心起。名慧炬三摩提攝取心而生。彼第九心起。名佛見在前。前三摩提攝取心而生。彼第十心起。名首楞嚴三摩提攝取心而生。又善男子。初地菩提薩埵先親嘉瑞。三千大千佛土億百千珍奇寶藏。悉現境界。第二地先親嘉瑞。三千大千佛土平如水掌。悉現境界。第三地先親嘉瑞。勇健堅強手執兵仗。悉現境界。第四地先親嘉瑞。曼陀羅風從四方來。吹種種華普散大地。悉現境界。第五地先親嘉瑞。一切女人嚴具莊飾。磨陶華鬘。解脫華蔓。憂鉢羅華鬘。婆利師華鬘。莊嚴其首。悉現境界。第六地先親嘉瑞。衆寶浴池。八功德水充滿其中。有四階道。悉現境界。第七地先親嘉瑞。自見己身遊戲其中。悉現境界。第八地先親嘉瑞。自見兩肩有師子獸王首冠。繒帛其身雄壯。一切毒害諸惡獸等無不摧伏。悉現境界。第九地先親嘉瑞。轉輪聖王大臣刹利百千眷屬。以法化導一切衆生。手執繒蓋衆寶百千莊嚴其首。悉現境界。第十地先親嘉瑞。自見作佛身黃金色圓光一尋。億百千梵圍遶說法。善男子。是爲菩提薩埵十地前相。當作是知。悉從十地三摩提之所出生。又善男子。菩提薩埵初發意地得最勝處陀羅

陀上三本俱無
司字

蜜下同無如是
乃至成就十四
字

十下同無種字

陰同作陰

尼第二地得難伏陀羅尼第三地得善住陀羅尼第四地得難當陀羅尼第五地得功德華普集莊嚴陀羅尼第六地得智光明陀羅尼第七地得勝趣陀羅尼第八地得八萬四千陀羅尼澄靖同陀羅尼爲首第九地得六十那由他陀羅尼無盡陀羅尼爲首第十地得恒河沙陀羅尼出生無量陀羅尼爲首是爲菩提薩埵十地陀羅尼當作是知又善男子菩提薩埵初發意地具足檀波羅蜜第二地具足尸波羅蜜第三地具足羼提波羅蜜第四地具足毗梨耶波羅蜜第五地具足禪那波羅蜜第六地具足般若波羅蜜第七地具足方便波羅蜜第八地具足願波羅蜜第九地具足力波羅蜜第十地具足智波羅蜜如是諸波羅蜜於諸地中皆悉成就又善男子有十種檀波羅蜜何等爲十信根爲首檀波羅蜜三摩提爲首檀波羅蜜大慈爲首檀波羅蜜大悲爲首檀波羅蜜深心希望爲首檀波羅蜜一切智爲首檀波羅蜜安立衆生爲首檀波羅蜜四攝爲首檀波羅蜜護持正法爲首檀波羅蜜樂求佛法爲首檀波羅蜜復有十種尸波羅蜜何等爲十離八難爲首尸波羅蜜建立佛法爲首尸波羅蜜莊嚴心爲首尸波羅蜜人世界清淨爲首尸波羅蜜一切願求滿足爲首尸波羅蜜不害爲首尸波羅蜜復有十種羼提波羅蜜何等爲十忍力爲首羼提波羅蜜成熱衆生爲首羼提波羅蜜意解爲首羼提波羅蜜深法忍爲首羼提波羅蜜斷煩惱爲首羼提波羅蜜離瞋恚爲首羼提波羅蜜不計身爲首羼提波羅蜜不計命爲首羼提波羅蜜斷諸無智爲首羼提波羅蜜觀諸法平等爲首羼提波羅蜜復有十種毗梨耶波羅蜜何等爲十精進根爲首毗梨耶波羅蜜精進力爲首毗梨耶波羅蜜觀諸法平等爲首毗梨耶波羅蜜念處爲首毗梨耶波羅蜜代一切衆生身所作爲首毗梨耶波羅蜜隨順一切衆生口意轉爲首毗梨耶波羅蜜不退還爲首毗梨耶波羅蜜極精勤爲首毗梨耶波羅蜜伏一切煩惱怨家爲首毗梨耶波羅蜜一切智爲首毗梨耶波羅蜜復有十種禪波羅蜜何等爲十定根爲首禪波羅蜜定力爲首禪波羅蜜等定爲首禪波羅蜜諸禪解脫爲首禪波羅蜜善法爲首禪波羅蜜是處爲首禪波羅蜜不亂爲首禪波羅蜜非處爲首禪波羅蜜害一切結使爲首禪波羅蜜定身滿足爲首禪波羅蜜復有十種般若波羅蜜何等爲十慧根爲首般若波羅蜜慧力爲首般若波羅蜜正見爲首般若波羅蜜正念爲首般若波羅蜜陰巧便爲首般若波羅蜜觀界入爲首般若波羅蜜聖諦

釋明作倦

無下三本俱無問字

無上同無不離二字○衆下同無生字

讀誦同作誦讀印下同有印字

修同作脩

爲首般若波羅蜜無障礙爲首般若波羅蜜除一切妄見爲首般若波羅蜜無生法忍爲首般若波羅蜜復有十種方便智波羅蜜何等爲十衆生希望方便行爲首方便波羅蜜安立衆生爲首方便波羅蜜大悲爲首方便波羅蜜化衆生不勞倦爲首方便波羅蜜超越聲聞辟支佛地爲首方便波羅蜜入諸波羅蜜爲首方便波羅蜜如實觀諸法爲首方便波羅蜜不思議力爲首方便波羅蜜不退轉爲首方便波羅蜜降伏衆魔爲首方便波羅蜜何等爲波羅蜜義行增進滿足義是謂波羅蜜義勝妙智滿足是波羅蜜義不著有爲無爲法義是波羅蜜義覺生死過義是波羅蜜義覺悟不覺悟者義是波羅蜜義開示一切無盡法藏義是波羅蜜義無間礙解脫具足義是波羅蜜義覺知布施平等義是波羅蜜義覺知戒忍精進一心智慧平等義是波羅蜜義決定巧便義是波羅蜜義知一切衆生法性義是波羅蜜義無生法忍滿足義是波羅蜜義不退地滿足義是波羅蜜義嚴淨佛土義是波羅蜜義成熟衆生義是波羅蜜義覺場具足義是波羅蜜義降伏衆魔義是波羅蜜義一切佛法滿足義是波羅蜜義十力四無所畏十八不共法滿足義是波羅蜜義攝取一切化生義是波羅蜜義三轉十二行法輪義是波羅蜜義爾時會中有天名師子幢無礙光耀白佛言世尊甚奇甚特是名一切具足是名究竟一切佛法功德世尊答曰如是如是諸天其有善男子善女人聞是法正憶念者當知是阿惟越致菩提聖地何以故天子是善男子善女人善根成熟故令耳根得聞是經一切善根成熟故得聞此經已終不離真實觀不離諸佛世尊不離諸佛法不離轉法輪不離海印陀羅尼不離無盡陀羅尼不離遍入衆生行陀羅尼不離無盡光日幢陀羅尼不離月無垢相陀羅尼不離無垢等起相陀羅尼若菩薩得是陀羅尼者悉能一時變身爲佛周滿十方教化衆生然於諸法亦不死亦不去而度脫衆生衆生亦不可得說法教化諸文字等亦不可得示現死生亦不生知諸法平等無去無來亦不作非不作故說是法時三千菩提薩埵得無生法忍復次天子若有讀誦持是法者終不離息一切纏陀羅尼不離金剛堅強破散一切煩惱山陀羅尼終不離說無言普入諸波羅蜜陀羅尼終不離能說異名句諸語陀羅尼不離虛空離垢出生無盡印陀羅尼不離成就無量佛身一切生盡陀羅尼說是法時無量衆生皆得法忍無量衆生發阿耨多羅三藐三菩提心佛說是時無盡智菩薩師子幢無礙光耀天子及諸大聲聞天人阿修羅爲佛作禮皆大歡喜

佛說大方廣菩薩十地經

佛說菩薩投身陷餓虎起塔因緣經

北京高昌國沙門法盛譯

（麗故〔宋行〕元行〕明悲）

經題三本俱無
 佛說二字餘同
 作銅譯號昌
 時下同有皆字
 於下同無城
 字臣民同作
 大臣人民四字
 便聞元作問
 唯元明俱作
 惟言三本俱
 作說有曰下
 作皆有曰下
 同無諸字名
 下同有曰字
 下同有曰字
 差同作叙禽
 作獸同作禽
 同作獸同作
 種元明俱作
 解元明俱作
 本俱作恨何
 來同作來路
 同作道貧三
 本作施下三
 本俱無貧人
 字周遍同作
 得周料宋作

如是我聞。一時佛遊軋陀越國毗沙門波羅大城於城北山巖下。為國王臣民及天龍八部人非人等。說法教化。度人無數。教化垂畢。時佛微笑。口出香光。光有九色。遍照諸國。香薰亦爾。時諸大衆親光聞香。皆大歡喜。時光明還。遶佛七匝。復從口入。爾時阿難整衣服。長跪叉手。白佛言。今者世尊。現奇瑞相。必有因緣。多所饒益。普生蒙祐。唯願天尊。說其因緣。佛告阿難。如汝所言。諸佛密口。凡所現相。有大因緣。汝欲聞乎。阿難曰。諾。唯中天。佛告阿難。過去九劫時。世無佛。有一大國名軋陀摩提。王名軋陀尸利。夫人名曰差摩目佉。太子名曰栴檀摩提。其國廣博。豐饒。人人壽千五百歲。太子福德。天下太平。無偷劫賊。人民和順。不相剋伐。太子慈仁。聰明智慧。貫練群籍。及九十六種道術。威儀靡不通達。少小已來。常好布施。於身命財。無所遺惜。慈育衆生。甚於赤子。大悲普覆。平等無二。孝養父母。禮敬僧衆。爾時父王為太子去城不遠。造立園觀。其園縱廣。而八由旬。列種華果。奇禽異鳥。清淨嚴好。處處皆有。流泉浴池。池中常有優鉢羅華。鉢頭摩華。拘物頭華。分陀利華。及餘雜種。赤白蓮華。孔雀。鸚鵡。鳩鵒。鴛鴦。遊戲其中。清涼香潔。微妙第一。爾時太子與群臣百官及后妃婢女。導從前後。詣園遊戲。經一七日。酒駕還宮。爾時國界有貧窮孤獨老病百疾。聞太子還。悉來在道側。張手向太子。太子見已。即以身璚珞服飾及金銀錢車乘象馬。悉用布施。及至城門。無復餘物。貧者猶多。恨不周足。太子還宮。念諸貧人。憂不能食。王問太子。為何恨也。太子答曰。近出遊觀。見諸貧人。夾在路側。求索所乏。即以身所有施之。猶不周足。故自愁耳。今欲從大王乞中藏財物。周給天下。不審大王。賜所願不。王言。國家庫藏。藏防備。歲急不宜私用。於是太子所願不果。慈倍於前。太子傍臣名曰闍耶。見太子不食。悲感慟惱。長跪叉手。白太子言。臣有金錢十千。奉上。大天隨意所用。願莫憂貧。飲食如先。錢若不足。臣當賣身供奉大天。於是闍耶即以金錢十千。奉上太子。太子使人持錢出城。布施貧人。盡十千數。猶不周遍。還白太子。金錢已盡。貧者尚多。於是太子即使傍臣。料檢私藏。

施諸貧人三本
俱作布施貧者
○充明作施貧
自下三本俱有
街字○以此金
同作即以此○
見之同作得見
○牛上同無名
字○脫元明俱
作設○汝下三
本俱有共字○
即同作便○用
同作以○王同
作即

吾明作我
數聞三本俱作
我數聞名四字
○未下同有會
字○受元明俱
作則○說三本
俱作聞○意同
作志○儻同作
當○病肆同作
疾恣○姓同作
性○亡柒作失
○及下三本俱
有諸字○佐下
同無吏民二字

復得金錢十千
○貧人猶不充足
太子自念夫人之
苦皆由貧窮求不
得苦今當自賣所
愛之身救彼人苦
令得安

樂思惟是已却珍寶衣著凡故服默出宮城投適他國名裴提舍自賣身與一婆羅門得千金錢以此金錢施諸貧人
時婆羅門使奴將車入山祈樵於市賣之經於多時後復取薪乃於山中得牛頭栴檀一段重一百斤時彼國王本有
癩病醫方呪術不能令差王便怒曰用醫何爲夫人百病皆有對治之藥而我此病何獨不蒙令收諸醫於市斬刑時
有一醫叩頭白王言今王此病對市之藥世間難有雖有其名未曾見之王曰藥名何等答曰名牛頭栴檀王曰夫人
罪福業行不同自有福人既有此藥即教宣令天下誰有此藥當分半國從其市之時婆羅門喚奴語曰你從來賣薪
雖獲微直不如今者富貴之利國王有病今以半國市牛頭栴檀汝今可賣此栴檀往奉大王必得如意吾當與汝同
此藥也時奴即持牛頭栴檀奉上國王王得之已磨用塗身癩病即愈王大歡喜舉國臣民各蒙慶賴即召群臣大設
施會放赦囚徒布施貧乏上下和樂王使大臣破半宮殿及所領國民金銀珍寶錢財穀帛奴婢車乘象馬牛羊悉皆
分半莊嚴寶車百乘馬駟千匹作倡伎樂香華幢幡百味飲食迎奴還國王便請之共坐寶床作倡伎樂飲食娛樂王
問奴曰見卿福德咸相有殊於世何緣處賤願聞其志奴曰甚善卿欲聞者今當說之如卿所疑吾本非奴卿頗會聞
軋陀摩提國王有太子名栴檀摩提好布施不答曰數聞但未見耳曰吾便是也其王聞已倍更敬重曰何緣致是太
子曰吾好布施盡國財物不足周用窮者猶多本願不遂是以捨國自賣身耳王曰夫人宿行隨業受報修善則樂行
惡受苦非卿所爲非父母與何乃虧國大望處險涉難如此之事天下少有必有異見願說其意太子答曰吾本發意
誓度群生行諸波羅蜜志求菩提王曰善哉甚大隨喜太子語王今以國還卿唯求一願儻不見違答曰所願何等太
子曰欲得中藏錢財之物以周給天下貧窮孤老羸病羸百病羸意布施滿五十日其中功德與卿共之王曰甚善錢財
之物隨卿施用所賞半國是卿功分吾不敢受太子曰善卿以財施我我以國奉卿我好布施卿之樂國人物殊姓志
欲不同王曰此行弘深非吾所及卿得道時願見濟度太子即遣使宣告諸國若有貧窮孤老羸羸之者悉令來會爾
時太子使人開諸庫藏選糶財物於平坦地布施貧人滿五十日貧者得富莫不歡喜爾時太子委國去後群臣驚怖
啼哭白王昨夜忽亡太子不知所存王聞是語從床而落迷不識人夫人宮中后妃婢女及臣佐吏民莫不驚怪悲感

冤三本俱作怨
柯宋作妨

披三本俱作被
損同作鑽○不
同作當○巨下
同有啓字○使
同作信○淚同
作涕○途同作
塗○曰同作白
○姓同作性○
果同作美○能
同作得○還下
同無國者二字
○至同作志○
唯同作惟○
暗同作涕下同
○居山同作山
店○情元明俱
作○情元明俱
本俱作來下○
仍同作乃○山
元明俱作上○
虎下三本俱無
母字○產同作
生○降大宋元
俱作大降○多
三本俱作三○
山下同無上字

疑難。夫施之德遠近所重。冤敵惡人聞太子功德者。自然修善。爾時有五通神仙道士名曰勇猛。與五百弟子。在此山上大巖窟中。修禪行道。志求菩提。欲度衆苦。教化天下。皆令修善。爾時太子。梅檀摩提。資持種種。自味飲食。上山供養。詣仙道人。於時仙師。呪願太子。因爲說法。太子心喜。志樂無爲。不欲還國。願惟宮室生地獄想。妻子眷屬生種種想。觀五欲樂爲地獄想。思惟是已。即解瑠璃嚴身上服。及車馬人從。悉付傍臣。遣令還國。於是太子。披鹿皮衣。留伴山中。從師學道。懷尋道術。時太子傍臣。還國白王。太子上山供養仙人。留彼學道。不肯還宮。經書呪術。悉令通達。自要。不還。王曰。一何苦哉。世人得子。以致歡樂。憑賴老時。益國除患。吾得此子。常懷憂苦。不欲富貴。不親眷屬。此之惱乎。何道之有。即召群臣。共論此事。諸臣曰。太子好道。不貪世榮。志樂無爲。既。不還國。非可如何。王宜遣使。審定其意。必不還者。當量其宜。王即遣使。往問太子。吾今待子。如渴思飲。停留山中。不還何意。今夫人后妃。揮淚望。悲號慟。不自任處。夫子道安。親不宜苦逆。隨使必還。使者受命。旨曰。如是。太子答曰。萬物無常。形不久存。室家歡娛。離別則苦。姓命由天。不得自在。無常對至。雖有父子。不能相救。今求無爲。欲度衆苦。得道之日。先度父母。今此處不遠。亦當時往。泰觀目下。此志已定。王宜更計。續立國嗣。還信白玉。具說上事。王即召集群臣。更立太子。時王夫人與太子后妃。婢女營從。資持太子衣服。嚴身之具。及種種甘果。飲食香華。伎樂。導從前後上山。到太子處。飯諸仙衆。因進太子。夫人曰。夫種穀防飢。掘井待渴。立郭防賊。養子侍老。汝今不還。國諸吾命不全。太子長跪白夫人曰。捨家處山。改形易服。如嚙出口。不中食用。閑居道士。於國無旆。理分已定。非可改移。寧碎身於此。終不還也。願母時還。尋時修觀。於是夫人及太子后妃。見太子至。意堅固。無有還意。悲哭慟。隨路而歸。於時國王。唯望夫人得太子還。與諸群臣。出城迎待。唯見夫人與太子后妃。被髮亂頭。隨號叫。隨路空歸。王益不樂。群臣萬衆。莫不。嗟。迴。還宮。於是國王。諷謝夫人及太子。妻。吾子好道。世間難有。慈育普濟。莫不蒙恩。此國之寶。非凡器也。今樂居山。以修其志。但令安隱。時復相見。今且與子相去不遠。餉致飲食。消息往來。可以自慰。於時夫人得王諷已。愛情小歇。時時遣人。資持飲食。及諸甘果。種種美饌。往到山中。供養太子。如是多年。太子亦時時下來。問訊父母。仍復還山。修道。其山下有絕崖深谷。底有一虎。母新產七子。時天降大雪。虎母抱子。已經多日。不得求食。懼子凍死。守餓護子。雪落不息。母子飢困。喪命不久。虎母既爲飢火所逼。還欲啖子。時山上

是三本俱作此

曰下同有卿字

滿下同有一字

淚同作泣○百

下同有餘字○

食飲同作飲食

○亦同作而○反

同作返○諸下

同有惡字○肉

血同作血肉○

交宋作炎○至

三本俱作志○

兩上同有即字

○振同作震○

虎母同作母虎

日同作旦

常住同作住常

○罐元明俱作

鐘○匣三本俱

作徧○有同作

肯○泣涕同作

諸仙道士見是事已更相勸曰誰能捨身救濟衆生今正是時太子聞已唱曰善哉吾願果矣往到崖頭下向望視見

虎母抱子爲雲所覆生大悲心立往山頭寂然入定即得清淨無生法忍觀見過去無數劫事未來亦爾即還白師及

五百同學吾今捨身願各隨喜師曰學道日淺知見未廣何忽自天捨所愛身太子答曰吾昔有願應捨千身前已曾

捨九百九十九身今日所捨足滿千身是故捨耳願師隨喜師曰卿志願高妙無能及者必先得到復見遣太子辭

師而去於是大師與五百神仙道士涕淚滿目還刺到山崖頭時有富蘭長者將徒男女五百人齎持食飲上山供

養見太子捨身悲感啼哭亦隨太子至山崖頭於是太子在衆人前發大誓願我今捨身救衆生命所有功德速成菩

提得金剛身常樂我淨無爲法身未度者令度未解者令解未安者令安我今此身無常苦惱衆毒所集此身不淨九

孔盈流四大毒蝨之所蜚螫五拔刀賊追逐傷害如此身者爲無反復甘饐美味及五欲樂供養此身命終之後無善

報思反墮地獄受無量苦夫人身者唯應令苦不得與樂太子種種呵責其身諸過咎已又發誓言今我以肉血救彼

餓虎餘舍利子我父母後時必爲起塔令一切衆生身諸痛苦宿罪因緣湯藥針灸不得差者來我塔處至心供養隨

病輕重不過百日必得除愈若實不虛者諸天降雨香華諸天應聲雨曼陀羅華地皆振動太子即解鹿皮之衣以纏

頭且合手投身虎前於是虎母得食菩薩肉母子俱活時崖頭諸人下向望視見太子爲虎所嚼骨肉狼藉悲號大叫

聲動山中或有隨臂自撲宛轉臥地或有禪思或有叩頭懺悔太子爾時首陀會諸天及天帝釋四天王等日月諸天

數十萬衆皆發無上菩提之心作倡伎樂燒香散華曼陀羅華供養太子而唱是言善哉摩訶薩埵從是不久當坐道

場如是三唱已各還天宮五百仙人皆發無上正真道意神仙大師得無生忍王及夫人明曰遣使齎持飲食上山餉

太子到常住石室唯見臥具鹿皮衣傘蓋鉢盂錫杖水瓶羅襪悉在室中不見太子周遍問人無有應者唯見仙人十

十五互相向啼泣到大師所唯見仙師以手挂頰涕淚滿目呻吟而坐周匝推問無有應對使者怖懼即以飲食施諸

仙士走還白夫人具說上事夫人曰不見子見諸仙不答曰但見仙士十五互相向泣涕夫人曰禍哉吾子死矣

隨臂大叫奔走詣王王聞是已從床而落迷不知人群臣萬衆來集王側叩頭諫曰太子在山未審虛實何爲哀慟願

王小息於是王及夫人后妃嫔女臣佐吏民褰裳徒跣奔走上山爾時長者富蘭亦逆來告王曰太子昨日投身巖下

○三本俱作同
○唯餘同作餘
○骸○振同作震
○諸同作腫
○使同作令○天
○宋同作夫○未
○及未同作夫○未
○字○蘇同作蘇
○香下同無薪
○時上三本俱
○有爾字○是下
○同有也字○今
○下同無我字○
○閱同作悅○妃
○下同無者字○
○按元明俱作較
○與同作及○
○所說同作說法
○無夾註○三本俱
○乃至絕時百二
○十七字宋連續
○而去○領三本
○俱作顛○滯元
○明俱作泥○未
○題同在上○禮佛
○而去次行

以肉貽虎今唯餘骨狼藉在地於是長者即引導王到太子屍處王及夫人后妃嫫女群臣吏民舉聲悲哭振動山谷
王與夫人伏太子屍上心肝斷絕悶不識人妃前扶頭理太子髮心肝攪碎啼哭聲諸曰一何薄命生亡我尊今日永
絕不復得見寧使我身碎如塵粉不令我天奄忽如今太子已死我用活為時群臣白王太子布施度群生無常殺
鬼所侵奪也及未臭爛宜設供養即收骸骨出山谷口於平坦地積栴檀香薪及種種香水諸香蘇油繪蓋幢幡以用
闍維太子收取舍利以寶器盛之即於其中起七寶塔種種寶物而莊校之其塔四面縱廣十里列種種華果流泉浴
池端嚴淨潔王常令四部伎人晝夜供養娛樂此塔佛告阿難時太子者我身是時父王者即今我父闍頭檀是時夫
人者母摩耶是爾時后妃者今瞿夷是時大臣闍耶者阿難是爾時山上神僊大師者彌勒是也娶提舍王者難陀是
也時婆羅門者羅雲是也彌勒菩薩徒昔已來常是我師以吾布施不惜身命救眾生故超越師前懸挾九劫今致得
佛濟度無極佛說是時天龍及人八萬四千皆發無上平等道意八千比丘渴盡結解得應真道王與群臣天龍鬼神
聞佛所說皆大歡喜禮佛而去

丹綱本

爾時國王聞佛說已即於是處起立大塔名為菩薩投身餓虎塔今現在塔東面山下有僧房講堂精舍

常有五千衆僧四事供養法盛爾時見諸國中有人癩病及顛狂瞋眉手腳蹇跛及種種疾病悉來就此塔燒香
然燈香墜塗地修治掃灑并叩頭懺悔百病皆愈前來差者便去後來輒爾常有百餘人不問貴賤皆爾終無絕
時

佛說菩薩投身餓虎起塔因緣經

無所有菩薩經卷第一

隋天竺三藏闍那崛多等譯

〔麗難〕朱量〔元量〕明絲

如是我聞一時婆伽婆住王舍城毗富羅山中與大比丘衆滿足百千人俱復有百千諸菩薩衆及比丘尼諸優婆塞
及優婆夷天龍夜叉乾闥婆緊那羅摩睺羅伽迦樓羅等復有欲界諸天子色界淨居諸天子等圍遶在前而為說法

熈明作焦

勅三本俱作僊
下同○已同作

諸菩薩同作菩
薩爲

爾時衆中有一菩薩名無所有。在彼會坐。然彼衆中有諸菩薩。心懷疑惑。悔作惡者。住顛倒者。有業障者。有法障者。及諸衆生。爲障所障。不能問佛。然彼欲爲彼等衆生。淨業障故。欲問世尊。觀此諸衆多有菩薩。欲悔先惡。而心離惱。不能聽法。復見菩薩。心不悔惱。能一心聽。觀彼心行多有苦惱。多有憂患。多有穢雜。多生老死憂悲苦惱。多怨憎會。多愛別離。當欲成就阿耨多羅三藐三菩提。而爲如是等無量纏縛。云何當於阿僧祇劫行菩薩行。既自有縛。云何當能解衆生縛。爾時無所有菩薩如是念已。即自思惟。若世尊教聽我請問。爲於此衆一切衆生。作惡疑悔令遠離故。爾時世尊知無所有菩薩摩訶薩。并及彼等諸菩薩衆心所念已。告無所有菩薩摩訶薩言。汝無所有。我亦不爲諸菩薩說有染有著有縛有繫有犯犯處。所以者何。一切著處。一切染處。一切縛處。一切障處。一切犯處。欲令超越遠離諸相。行不和合。諸法不難。不可得故。諸阿耨多羅三藐三菩提。如是一切諸法不縛。諸法不染。諸法不著。不繫不障。不犯不得。是故當成一切種智。善男子。有一切智發心之處。不得衆生。於彼處中無法可縛。可染。可著。可繫。可障。可犯。可得。可知處所。汝無所有。汝應當爲諸菩薩問。如諸菩薩摩訶薩等。不勸不汙。無著無縛。無障。虛空。離虛空想。無有障礙。於阿耨多羅三藐三菩提速成就故。於一切處當爲開顯。爾時無所有菩薩。既爲如來教請加持。及已智力。於多佛所種善根故。能於般若波羅蜜中。無有疑惑。隱身不現。而無所著。欲爲攝化諸菩薩故。而復欲顯諸福德故。復爲著心諸衆生等。爲取著寶行在於相。遠善知識爲惡知識之所攝取。諸菩薩輩。知一切法皆不可得。欲令無著。欲令覺故。即以無量種種名花。或水陸生。或金銀花。普散佛上。以精誠意。歡喜勝妙。無有缺減。令諸衆生。生歡喜故。讚歎世尊。以偈問曰。

菩薩遊何處 何者是父母 住止於何處 何等爲眷屬

爾時世尊。即以偈頌。報彼無所有菩薩言。 勇猛空遊處 般若母佛父 佛塔爲住處 諸菩薩眷屬 遊六波羅蜜 菩提心父母 三昧爲住處

諸福爲眷屬

爾時無所有菩薩。從佛世尊聞此偈已。歡喜隨順。復以偈頌問世尊曰。

善能說此言 一切智無礙 隨喜於此言 復問人中上 以何爲因緣 用何方便智 觸證於何法

知三本俱作智

當覺知云何

爾時世尊以偈報彼無所有菩薩言

勇猛菩提緣 方便攝衆生 證諸法空已 智者覺菩提

爾時無所有菩薩聞此偈已歡喜隨順以偈稱讚而復問曰

善哉說此言 一切智無礙 隨喜於此言 復問人中上 何故不墮惡 大熾可畏處 捨一切惡處

速至於善處

言同作曰下同 爾時世尊以偈報言

不造一切罪 是故捨惡處 恒常爲法行 是故至善處

爾時無所有菩薩聞此偈已隨喜稱讚而復問曰

善哉此語言 一切智無礙 隨喜於此言 復問人中上 云何彼多罪 無智處造作 一切能速滅

盡滅無遺餘

爾時世尊復以偈頌報彼無所有菩薩言

衆生求解脫 此等願菩提 菩提不得故 諸罪皆滅盡

爾時無所有菩薩聞此偈已隨順歡喜復以偈頌而復問曰

善哉說此言 一切智無礙 隨喜於此言 復問人中上 云何諸愛著 流轉煩惱苦 成就菩提時

皆盡無有餘

爾時世尊以偈報言

常樂我淨處 顛倒取虛空 如實真覺已 渴愛皆當盡 無我慢渴愛 取等如虛空 不住於內外

彼等無得處

爾時無所有菩薩隨喜此偈而復稱讚以偈問曰